

## DEŽĐ

Ober naših hiži,  
dotekel je oblak.  
Splasila nas  
njegova črna farba  
puna žmehkih kapi diežda.

Dedeki i babice fletne su  
pobegli na tranik,  
prešli su pobrati suhu krmu.

Bežiju,  
zoveju,  
kričiju.  
Pomorite! Ideme!  
Da buju bržieši  
od ljetnuga diežda.

Ali, došla je.  
Kap po kap.  
Kap po kap.  
Curi po zagorskim bregima,  
trsjima i tranikima.

Njen žmehki, slatki zvuk  
luplje našim kruovima i oblokima.